

*2^r

Dem Hochwürdigtē in Gott

Vatter vnd Herrn/ Herrn Danieln/ Ertzbischoffen

zu Meintz/ des Heiligen Römischen Reichs/ durch Germa-

nien/ Ertzcantzler/ vnd Churfürften ꝛ Meinem gnedigsten Fürsten

vnd Herrn/ Wüñsche ich Iuſtinus Göbler von G. Gewere/ der

Rechten Doctor/ vnd Bürger zu Franckfort am Meyn/

heil/ glück/ gefundtheit/ vnd wolfarige

regierung.

*

Hochwürdigter Churfürft/ Gnedig-

fter Herre/ Ewer Churfürftlichen Gnaden

feien mein vnderthenigste bereytwilige

dienft zuuor. Gnedigter Churfürft vnd

Herre/ Als ich verſchiener zeit vor mich ge-

nommen/ vnd angefangen hab/ des hochlöb-

lichen/ Chriftlichen Keyfers Iuſtiniani neue ſatzungen

(νεάρα, im Griechiſchen/ vnd Nouellae Conſtitutiones im Latin

erftlich/ darnach auch Authenticae genant) zuuertuſchen/

darumb daß ſolche feine neue/ vnd letzte ſatzungē/ vil der

alten Leges vnd Iura, hin vnd wider in den Büchern Digesto-

rum, oder Pandectarum, Deßgleichen auch in den Büchern Co-

dicis vñ Inſtitutionum begriffen/ heilfamlich vñ nützlich anzie-

hen/ verendern/ erklären/ vnd weitleufftiger tractiern vnd

außlegen/ Vnd dann das Teutſch one das neben dem Grie-

chiſchen vnd Latiniſchen text/ der jugent/ vnd angehenden

Rechts liebendē ſtudenten/ oder ſchülern/ zu vollkom-

lichem verſtande faſt nützlich vnd dienſtlich ſein kann/ ꝛ. ſo

iſt mir eben auch vnder des zu derſelbigen zeit/ diß Epi-

tome vnd kurtzer außzug etlicher derſelbigen neuen Conſti-

tutionen vñd ſatzungen Keyfers Iuſtiniani (weil ſie nit

alle zubekommen noch vorhanden) in zweyen vnderſchied-

lichen Büchlin begriffen vñ vorgehenden ſummarien halben/ vnd dñ

ſie vielerley güter nützlichlicher Rechts lehre/ anweifung vnd

vnderrichtung inhalten/ beides in Geiſtlichen vñd Welt-

lichen ſachen/ in der kurtz anzeigen vnd begreiffen (jedoch

mehrereils zu Clöſtern/ geiſtlichen vnd Kirchen ſachen ge-

hörig vnd dienlich) Hab mir daffelbig Epitome, vnd die zwei

Büchlin Nouellarum gefallen laſſen/ vor das erſt zuuertuſ-

ſchen/ wiewol der Latiniſch text/ ſo voriger jahren zu Leon

* ij

*2v

Vorred.

im truck außgangen/ an vielen orten corrupt/ mangel/ vnd
brethafft befunden wirdet 7c.

Es hat aber der hochlößlich milt Keyfer Iuftinianus Ma-
gnus, folche feine νεάρα, Nouella, vnd neue Conftitutiones oder
Satzungen/ wie gefagt wirt/ mehrer theils im dritten jare
feines Keyferthumbs/ welchs das fünff hunderft zwei vnd
dreiffigt jahr/ nach Chriffti des Herrn/ erlöfers vnd feligma-
chers/ gewefen ift/ Publiciern/ verkündigen vnnd außgehen
laffen/ Hat darnach im vierdten jare feiner regierung vnd
Keyferthumb/ die fünffzig Bücher Pandectarum oder Dige-
ftorum, vnnd bald darauff die vier Bücher Inftitutionum, als
ein Elementale vnd fummarium totius legitimae fcientiae (wie ers
dann auch felbs nennet) durch den hohen trefflichen Mann
Tribonianum/ an den tag gegeben/ Folgends auch feinen
Codicem, nemlich die zwölff Bücher/ derfelbigen feiner vnnd
anderer voriger löblicher/ milter/ Gotfeliger/ Frommer Key-
fer Conftitutiones vnd fatzungen/ widerumb ernewen/vnd
offentlich in das heilig Chrifftlich Reich verkündigen vnnd
außgehen laffen/ alfo daß er der from̄ milt Keyfer Iuftinia-
nus/ von der zeit an/ weilant Keyfers Adriani/ von vier
hundert jaren her/ biß auff fein/ Keyfers Iuftiniani zeit/ alle
nützliche Griechifche vnnd Latinifche Conftituionen vnnd
Satzungen (mit außfchließung vnnd außlaffung der vn-
dienftlichen) zufamen bei einander hat bringen laffen/ vnnd
folchs mehrertheils im neundtē jare feines Keiferthumbs/
Welch Keyferthumb er in die viertzig jar herrlich vnd löb-
lich regiert/ geführt vnd erhalten. Auch in derfelbigen zeit vil
trefflicher thaten vnd kriege/ wider die Alemaner/ Gothen/
Francken (oder Frantzofen) Germaner oder Teutfchen/ An-
ticaner/ Alanier/ Wenden/ Africaner/ Pifidier/ Jlauren/ vñ
andere mehr völker/ durch Belifarum/ vnd andere feine
Hauptleute vnd Oberften geführt/ den Feinden obgefiget/ vñ
allerly güte gefatze vnnd Conftitutionen gemacht/ vnd an
den tag gegeben hat/ wie fein Titel feine gefchicht/ vnd die
Hiftorien mit bringen vnd außfüren/ Vber das alles ift er
auch fonderlich pius/ milt/ gütig vnd Gotfförchtig/ der hei-
ligen Chrifftlichen Religion zügethan/ geneigt/ den Kirchen/
Clößtern/ Gottes heufern/ vnd geiftlichen perfonen gewe-

gen vnd gūnftig gewefen/ wie dann allenthalben hin vnnd
wider auß difen vñ andern feinē miltē Keyferlichē Conftitu
tionē vñ fatzungē öffentlich am tage vñ Keyferlichē Conftitu
tionē vñ fatzungē öffentlich am tage vñ gnugfam erfcheinet
vnd zubefinden/ One das/ was er zu derfelbigen feiner zeit/

zu

*3^r

Vorred.

zu Rome/ zu Conftantinopel/ vnnd in andern vornemlichen Stetten vor treffliche Kirchen/ Collegia/ hohe Schülen/ vnd Prætoria gebawen/ gefiftet vnd begiftigt hat/ die Religion/ gûte lehre/ künfft/ Recht vnd Gericht zuerhalten/ in dem allem dem frommen milten Conftantino Magno/ vnd andern frommen Keyfern nachfolgende/ die es mit den Kirchen/ mit den Schülen/ mit der lehre vñ gûten künften/ treulich vnd wol gemeint / diefelbige perfonen/ jre heufer vnnd gûter gefreiet/ darzu vil herrlicher befonderer Priuilegien/ freiheyten vnd gerechtigkeiten/ diefelbige zuerhalten/ gegeben/ Dañ darumb feind Kirchen/ Clôfter/ Gotsheufer vnnd Schülen gefiftet vnnd auffgericht/ daß in denfelbigen Gott recht erkant/ gelehret/ angeruffen vnd geehret werde. Cauſa enim finalis ædium ſacrarum & ſcholarum eſt, ut in illis doceatur, agnoſcatur, inuocetur, & celebretur Deus, &c. Wie es aber jetzûd damit gehet/ vnd daffelbig gehalten/ regiert/ vnd gehandelt/ habt wirt/ ſihet man vor augen.

Es werden die armen Pfarkirchen vnd wonungē wûfte/ vnd verlaſſen/ verfallen/ vñ nit wider gebawen/ Die Schülen/ beide hohe vnd nidere/ vergehen/ In folcher ſchnôden/ argen/ vndanckbaren/ auch tewren vnnd ſchweren zeit kan oder mag bald kein gemein ſchlecht Handtwercks man feinen Son/ fonderlich in frembden orten/ zur Schülen/ vnd gûten künften erziehen/ noch halten/ Was wil aber zu letft darauß werden? Ein lauter Paganifmus, ein rohes/ grobes/ vngezogens/ vngehobelts/ freches/ vngefchicktes/ vnſchlachtes/ eigenſinnigs/ mût willigs/ feindlichs/ vntûglichs/ vndienftlichs/ verderblichs/ ſchâdlichs volck/ ârger als die Gothen/ Scythen/ vñ jetzt die Türckē feind/ Darumb ſo ſolten Keyfer/ Kônig/ Fürften vnd Herrn/ Geiftliche vnd Weltliche/ auch die Reichen vermögliche Stette/ milte gûte hülffe vnd befürdernuß thûn/ Kirchen/ Collegia/ Pfarrhen vnd Schülen/ hohen vnd nidern/ groffen vnd kleinen zuerhaltē/ vnnd nit ab noch zu grund gehen laſſen/ Dahin ich dann Ewer Churfürftlich Gnade one das vor ſich felbs (Gott lobbe) auß hohem Fürftlichem verſtande vnnd gemûte/ fonderlich geneigt zuein befinde/ welchs ich derhalben auch gern vernommen/ dieweil ich vor vierzig jaren ein junger Student zu Meintz zwey jarlang gewefen/ vnnd dafelbs meine Griechiſch vnd Latiniſch Grammatica/ vnd die Inſtitutiones Iu

ftiniani gelernet habe.

Nachdem ich dañ nechftuerfchienen jars die fechs Bücher/

* iij

*3^v

Vorred.

gelbaws ἐξάιλος oder ὠρόχειρομ, des herrlichend vortrefflichen ge
 lehrten Mans Comstantini Harmenopuli/ vorzeitē Keyfer-
 lichen Gerichts verwalter in der Statt zu Theſſalonich/
 verteutſchet/ vnnd dem jetzigen Römifchen König/ Herrn
 Maximiliano ſecundo, ſemper Auguſto, vnſerm aller gnedig-
 ſten Herrn/ wie auch meine Latinifche verſion/ der Keyfer-
 lichen/ vnd des heiligen Reichs Camergerichts Ordnung 7c.
 vnderthenigt dedicatiert vnd ins truck zůgefchrieben/ So hab
 ich auch nit vnderlaſſen könnē noch ſollen/ dieſe zwey Bücher
 Epitomes Nouellarum Conſtitutionum, des hochgemelten löb-
 lichen Keyfers Juſtimiani (wie ich ſeine vier Bücher Inſtitu-
 tionum, vor zehels jaren verteutſcht/ vn̄ dem Herrn Printzen
 von Vranien zůgefchrieben hab) jetzundt zuuertuſchen/ vn̄
 E. C. G. namen zu ehren in truck zugeben/ Bitt vnderthe-
 niglich vnd dienſtlich/ E. Churf. G. wolt ſolche meine vnder-
 thenigſte wolmeinung mit gnaden/ vnd im beſten von mir
 verſtehen vnd annemen/ vn̄ mich in gnedigem befehl/ ſchutz
 vnd ſchirms haben. Vnd ferner dieweil mit allein in dem vor-
 angezogenē Conſtantino Harmenopulo vnder anderm/ ſon-
 dern auch in diſem Epitome vnd zweien Büchern Nouellarum
 Conſtitutionum, der heiligen Apoſteln Canonen vnd Regeln/
 Deßgleichen der vier vornembſtē altē gehaltenen Concilien/
 nemlich des Niceniſchen/ Conſtantinopolitanifchem/ Ephe-
 ſiniſchen vnd Chalcedoniſchen/ rhůmlich vn̄ löblich gedacht
 wirt/ ſo hab ich dieſelbige ſacros Canones Apoſtolorum, vnnd
 vier haupt vnd ältiſte Concilia auch in der eil verteutſcht/
 vnnd dem Hochwirdigſten Churfůrſten/ Herrn Johan
 Ertzbifchoffen zu Trier 7c. meinem gnedigſten Herrn/ vnder-
 theniglich dedicatiert. Darnach auch die einfeltige ſchlechte
 gründtliche außlegung der vornembſten Artickel vnſers hei-
 ligen Chriſtlichen glaubens/ im gemelten erſten Niceniſchen
 Concilio erkleret/ bewert/ angenommen vnd beſchloſſen/ auß
 dem Latin in Teutſch verwandelt/ vnnd dem Hochwirdi-
 gſten/ Ertzbifchoffen vn̄ Churfůrſten zu Cölln/ Herrn Fri-
 derichen/ meinem gnedigſten Herrn/ in vnderthenigkeit zůge-
 ſchrieben/ wie E. Churf. G. hernachfolgends gnedigt zufe-
 hen/ Damit an Ewer dreien Geiſtlichen Perſonen/ als den
 Hochwirdigſten Ertzbifchoffen vnd Churfůrſten/ das alt
 fein löblich ſprichwort/ nemlich/ Omne trinum perfectum,
 war befunden werde. Dieweil dañ auch vorgemelts Key-

fers Iuftiniani Nouell Conftitutiones vñ Satzungen mehrer
theils Griechifch/ vnd noch viel vber hundert vnd fünf vnd
fechszig

* 4^r

Vorred.

fechszig vorhanden/ aber nit wol zubekommen feind/ daran
 ich doch groffen fleiß gelegt 7c. fo hab ich vnder des/ in ver-
 hoffung/ ob ich sie alle/ oder mehrer theils zuhandē beieinan-
 der bringen möcht/ diß Epitome vnd summarifchen außzug/
 fouiel in den zweien obgemelten Büchlin vnderfchiedlich be-
 griffen/ vnder deren weil vor die handt genomē zuuert-
 fchen/ wiewol der Latinifch text/ wie oben gedacht/ an vielē
 orten corrupt vnd mangelhafft. Damit ich aber gleichwol
 derfelbigen jetzigen meiner verfion vnd verteutfchung einen
 bequemen/ herrlichen vnd groffen Patron erlangt/ fo hab ich
 folich mein angewendt arbeit vnd fleiß Ewerer Hochwir-
 digften Churf. G. als einem vornemlichften liebhaber/ be-
 fchützer vñ handthaber des Rechten/ vñ der Gerechtigkeit/
 beides geiftlichs vnd weltlichs/ dauon daß diß Epitome vnd
 kurtzer Sumarifcher außzug vornemlich faget vnd handelt/
 in vnderthenigkeit zu E. Churf. G. gnedigstem wolgefällē/
 vnd beheglichem dienft/ dediciern vnnd zůfchreiben wöllē/
 nemlich von geiftlichen fachen vnd fatzungen/ an auch einen
 geiftlichen Herrn vnd Ertzbifchoff 7c. Daß aber jetzt zu difen
 argen/ gefchwinden vnd gefehrlichen zeiten/ etliche folicher
 vnd dergleichen voriger Keyferlichen milten Conftitutio-
 nen vnd Satzungen/ fonderlich auch des hochberümbten
 Keyfers Juftiniani in geiftlichen fachē hindan fetzen/ vergef-
 fen/ vnderlaffen/ nit halten noch achten/ oder auch wol von
 vielen verachtet werden/ ift böfer leichtfertiger/ frecher/ vn-
 gezogen leute fchuld/ welche/ in dem daß sie nit wiffen noch
 verftehen/ offtmals die weifften/ klügften/ vnd müthwillig-
 ften fein wöllē/ Wie vorzeiten des Archidami Sone auch/
 da der Vatter fahe/ dz er (derfelb fein Son) vil vngereimtes/
 vngefchickts/ müthwilligs dings vorname/ fprach der Vat-
 ter zu jm/ Entweder thû deiner ftercke zû/ oder aber brich
 deinem vornemen abe/ daß du wirdeft doch keins one deine
 groffe gefahre vnd nachtheil außrichten können 7c. Hieupon
 were vil zufagen vñ zufchreiben/ wil es aber auff diß mal/
 biß auff ein andere zeit fparen/ E. Churf. G. hiemit
 dem Almechtigen in güter gefundtheit vnd glück-
 feliger regierung zugefriften befelhend.

Datum Franckfort in Menfe

Septemb. Anto 1564.